

Қазақстан Республикасының заңдарын Қазақстан Республикасы Президентінің қол қоюына және қарауына ұсыну, оларды тіркеу, жария ету және сақтау тәртібі туралы ережені бекіту туралы

Қазақстан Республикасы Президентінің 1996 жылғы 2 шілдедегі N 3051 Жарлығы.

ҚАУЛЫ ЕТЕМІН:

1. Қазақстан Республикасының заңдарын Қазақстан Республикасы Президентінің қол қоюына және қарауына ұсыну, оларды тіркеу, жария ету және сақтау тәртібі туралы ереже (қоса беріліп отыр) бекітілсін.

2. Осы Жарлық қол ойылған күнінен бастап күшіне енеді.

*Қазақстан Республикасының
Президенті*

Қазақстан Республикасы
Президентінің
1996 жылғы 2 шілдедегі
№ 3051 Жарлығымен
бекітілген

Ескерту. Мәтін бойынша "Заң және құқықтық сараптама мәселелері жөніндегі" деген сөздер "Заңнама және құқықтық сараптау" деген сөздермен ауыстырылды - Қазақстан Республикасы Президентінің 2007.09.21. № 413 Жарлығымен.

**Қазақстан Республикасының заңдарын Қазақстан Республикасы Президентінің қол қоюына және қарауына ұсыну, оларды тіркеу, жария ету және сақтау тәртібі туралы
ЕРЕЖЕ**

1. Құрылтай қабылдаған, Құрылтай Төрағасының және Премьер-Министрдің қолтаңбаларымен алдын ала бекемделген Қазақстан Республикасының Заңы қазақ және орыс тілдерінде Құрылтай Төрағасы қол қойған ілеспе хатпен бірге Қазақстан Республикасы Президентінің қол қоюына енгізіледі. Егер заңмен халықаралық шарт ратификацияланатын болса, онда заңмен бірге осы шарттың куәландырылған көшірмелері қоса беріледі.

Ескерту. 1-тармақ жаңа редакцияда – ҚР Президентінің 01.07.2026 № 1337 (01.07.2026 бастап қолданысқа енгізіледі) Жарлығымен.

2. Қол қоюға түскен заңды Қазақстан Республикасы Президенті Әкімшілігінің Жалпы бөлімі заңға қол қою немесе онымен келіспейтінін білдіріп, Құрылтайға қайтару жөніндегі ұсынысы бар қорытынды әзірлеу үшін Мемлекеттік құқық бөліміне жібереді. Заңның көшірмелерін де Жалпы бөлімі Президент Әкімшілігінің тиісті құрылымдық бөлімшелеріне жолдайды.

Ескерту. 2-тармаққа өзгерту енгізілді – ҚР Президентінің 2007.09.21 № 413 , 24.04.2008 № 576, 12.11.2008 № 689; 01.07.2026 № 1337 (01.07.2026 бастап қолданысқа енгізіледі) Жарлықтарымен.

3. Президент Әкімшілігінің Мемлекеттік құқық бөлімі Қазақстан Республикасының Президенті Әкімшілігінің Басшысы орынбасарларының, Мемлекет басшысы көмекшілерінің, кеңесшілерінің, Президенттің Құрылтайдағы Өкілдігі басшысының, сондай-ақ Президент Әкімшілігінің тиісті құрылымдық бөлімшелерінің ұсыныстарын ескере отырып, қорытынды әзірлейді және оны заң мәтіндерінің түпнұсқаларымен бірге Президент Кеңсесіне ұсынады.

Ескерту. 3-тармақ жаңа редакцияда – ҚР Президентінің 01.07.2026 № 1337 (01.07.2026 бастап қолданысқа енгізіледі) Жарлығымен.

4. Президенттің кеңсесі қорытындыларымен бірге заңды Президент Әкімшілігінің Басшысына табыстайды, ол қол қоюға ұсынылған заң және ол бойынша жасалған қорытындылар туралы Мемлекет басшысына баяндайды.

4-1. Қазақстан Республикасының Президенті Құрылтай ұсынған заңға бір ай ішінде қол қояды, заңды халыққа жария етеді не заңды немесе оның жекелеген баптарын қайтадан талқылап, дауысқа салу үшін қайтарады.

Ескерту. 4-1-тармақпен толықтырылды – ҚР Президентінің 21.09.2007 № 413; жаңа редакцияда – ҚР Президентінің 15.02.2023 № 127 (алғашқы ресми жарияланған күнінен бастап қолданысқа енгізіледі); өзгеріс енгізілді – ҚР Президентінің 01.07.2026 № 1337 (01.07.2026 бастап қолданысқа енгізіледі) Жарлықтарымен.

5. Мемлекет басшысы қол қойған заңды Президенттің кеңсесі Президент Әкімшілігінің Жалпы бөліміне береді, ол:

1) заңға реттік нөмір береді. Бұл орайда нөмірлеу тиісінше сайланған Құрылтайдың қызметі кезеңіне жүргізіледі - ол араб цифрларымен, сайлану реті - рим цифрларымен (сызықша арқылы) белгіленеді, ал бұдан кейін ҚРЗ (Қазақстан Республикасының Заңы) бас әріптер қойылады;

2) заңды арнаулы журналға қол қойылған күнін, реттік нөмірі мен Құрылтай сайлауы көрсете отырып, тіркейді;

3) тиісті елтаңбалық мөрмен куәландырылған заң көшірмесін тиісті бұқаралық ақпарат құралдарына жариялауға береді;

4) Құрылтайға заңның тиісті елтаңбасы бар мөрмен куәландырылған екі данасын береді, ал Құрылтай Аппараты белгіленген тәртіппен:

"Құрылтай Жаршысында" жариялау және Құрылтайда заңды талқылау процесінде түзілетін бастапқы материалдармен іске қосып тіркеу;

мүдделі органдар мен ұйымдарға тарату, Құрылтайда заңды талқылау процесінде түзілетін бастапқы материалдармен іске қосып тіркеу мәселелерін шешеді.

Ескерту. 5-тармаққа өзгерту енгізілді – ҚР Президентінің 24.04.2008 № 576, 12.11.2008 № 689; 01.07.2026 № 1337 (01.07.2026 бастап қолданысқа енгізіледі) Жарлықтарымен.

6. Мемлекет басшысы қол қойған заңдардың түпнұсқалары Президент Әкімшілігінің Жалпы бөлімінде сақталады және белгіленген мерзім өткеннен кейін Қазақстан Республикасы Президентінің Архивіне тұрақты сақтауға беріледі.

Қазақстан Республикасы Әкімшілігінің Құжаттамалық қамтамасыз ету бөлімінде елтаңбалық мөрмен куәландырылған заңдардың көшірмелері талқылау мен қабылдау барысында түзілген басқа материалдармен бірге белгіленген тәртіппен Құрылтайда істерге хатталады және Қазақстан Республикасы Орталық мемлекеттік архивіне тұрақты сақтауға тапсырылады.

Ескерту. 6-тармаққа өзгерту енгізілді – ҚР Президентінің 24.04.2008 № 576, 12.11.2008 № 689; 01.07.2026 № 1337 (01.07.2026 бастап қолданысқа енгізіледі) Жарлықтарымен.

7. Қол қойылмаған заң Құрылтайға қайтарылған жағдайда оны қайталап талқылау және дауыс беру үшін Мемлекет басшысы өзінің заңға тұтастай немесе оның жекелеген баптарына (ережелеріне) келіспеушіліктерде тұтастай заңның немесе оның жекелеген баптарының (қағидаларының) редакциясы берілуі мүмкін.

Ескерту. 7-тармаққа өзгеріс енгізілді – ҚР Президентінің 01.07.2026 № 1337 (01.07.2026 бастап қолданысқа енгізіледі) Жарлығымен.

8. Қазақстан Республикасының Президенті Құрылтайда қарсылықтарды қарау барысында Құрылтай депутаттарының ұсыныстарын ескере отырып, заңның немесе оның жекелеген баптарының (ережелерінің) нақтыланған редакциясын енгізуге құқылы. Заңның немесе оның жекелеген баптарының (ережелерінің) редакциясын нақтылау қажеттігі туралы ұсынысты Мемлекет басшысының қарауына Президент Әкімшілігі береді.

Ескерту. 8-тармақ жаңа редакцияда – ҚР Президентінің 15.02.2023 № 127 (алғашқы ресми жарияланған күнінен бастап қолданысқа енгізіледі); өзгеріс енгізілді – ҚР Президентінің 01.07.2026 № 1337 (01.07.2026 бастап қолданысқа енгізіледі) Жарлықтарымен.

9. Мемлекет басшысының қарсылықтары Құрылтайда қаралған кезде Қазақстан Республикасы Президентінің ұстанымын ол уәкілеттік берген өзге лауазымды адамдар білдіреді.

Ескерту. 9-тармақ жаңа редакцияда – ҚР Президентінің 01.07.2026 № 1337 (01.07.2026 бастап қолданысқа енгізіледі) Жарлығымен.